

# Pertemuan pakar bahasa dunia

**U**NIVERSITI Putra Malaysia (UPM) telah menganjurkan persidangan Antarabangsa Bahasa, Kesusasteraan dan Kebudayaan (MICOLLAC) untuk bertukar maklumat antara pendidik dan perancang bahasa tempatan dan antarabangsa.

Ketua Jawatankuasa Publisitinya, Dr. Shamala Paramasivam berkata, persidangan itu memberi tumpuan bagaimana bahasa universal berterusan memberi kesan kepada kajian terhadap penggunaan bahasa mengikut amalan lama dan kini.

“Kajian ini merentas bidang makro bahasa, kesusasteraan dan budaya. Ia sebagai usaha untuk memperkayakan jaringan bahasa, sastera dan budaya,” katanya kepada *Mega*, baru-baru ini.

MICOLLAC 2009 yang bertemakan *Language, Literature and Culture: Universals, Distinctions and Cross-disciplinary Perspectives* adalah persidangan dwi-tahunan anjuran Jabatan Bahasa Inggeris, Fakulti Bahasa Moden dan Komunikasi, UPM.

Dr. Shamala berkata, persidangan itu disertai oleh 400 delegasi dari 26 negara dari benua Oceania, Eropah, Amerika, Asia dan Asia Barat.

Mereka terdiri daripada peserta akademik, pendidik, perancang, pelatih profesional dan pelajar siswazah tempatan serta antarabangsa.

“Penceramah utama ialah Prof. Robert



**SULAIMAN Abdul Rahman Abdul Taib (dua dari kiri) diperkenalkan dengan para peserta persidangan MICOLLAC 2009 anjuran Universiti Utara Malaysia di Kuala Lumpur, baru-baru ini.**

Pilipson dari Copenhagen Business School (Denmark), Prof. Cythia White (Massey University, New Zealand) dan Prof. Susan C. Herring (Indiana University),” katanya.

Menurut Dr. Shamala, UPM telah menerima perajaan daripada agensi kerajaan

dan swasta untuk menjayakan program itu sekali gus membantu mempromosi negara kepada masyarakat dunia.

Pada majlis tersebut, UPM menerima RM100,000 daripada Kementerian Pelancongan Malaysia.

Cek disampaikan oleh Timbalan Menteri Pelancongan, Datuk Seri Sulaiman Abdul Rahman Abdul Taib.

Penyumbang lain adalah Pearson Malaysia Sdn. Bhd sebanyak RM20,000 dan IOI Group RM15,000.